

თავისუფლების ქანდაკება

თავისუფლების ქანდაკება ხშირად ჩანს ამერიკის ფოტოებსა და ტელეეკრანზე. დააკვირდი სურათს და აღწერე ქანდაკება.

ეს ქანდაკება დგას ნიუ-იორკში, თავისუფლების კუნძულზე. ქანდაკება გაიხსნა 1886 წლის 28 ოქტომბერს. ის ფრანგმა ხალხმა აჩუქა ამერიკელ ხალხს.

ქანდაკებას ერთ ხელში ჩირაღდანი უჭირავს, მეორეში კი – ქვის დაფა. დაფაზე წერია: „4 ივლისი, 1776 წელი“. ეს არის დღე, როდესაც აშშ **დამოუკიდებელი** გახდა. ქანდაკების სიმაღლე 93 მ-ია. კარგ ამინდში ის რამდენიმე კმ-იდან ჩანს. ადრე მას **შუქურის** დანიშნულება ჰქონდა. აშშ-ში ჩამოსული ადამიანი პირველად ამ ქანდაკებას ხედავდა.

ქანდაკება საფრანგეთში შექმნეს 1876 წელს. მისი ავტორია ფრედერიკ ბარტოლდი. ქანდაკება 350 ნაწილად დაშალეს და 214 ყუთში **მოათავსეს**. ასე წაიღეს იგი ამერიკაში. ამას რამდენიმე წელი დასჭირდა. ამერიკაში კი ქანდაკება ოთხ თვეში ააწყვეს.

თავისუფლების ქანდაკებას ხატავენ საფოსტო ბარათზე, სხვადასხვა **სუვენირზე**, ტანსაცმელზე. ამ ულამაზესი ქანდაკების სანახავად ნიუ-იორკში მილიონობით ტურისტი ჩადის.



რა არის შენთვის ყველაზე საინტერესო ამ ტექსტში?

▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

- 1 რა ინფორმაციას ვიგებთ პირველი აბზაციდან?
 - ა) რატომ აჩუქეს ამერიკელებს ქანდაკება.
 - ბ) როგორ დადგეს ქანდაკება კუნძულზე.
 - გ) სად დგას თავისუფლების ქანდაკება.

- 2 რატომ წერია ქანდაკებაზე: „4 ივლისი, 1776 წელი“?
 - ა) ამ დღეს გახდა ამერიკა დამოუკიდებელი.
 - ბ) ამ დღეს დაიდგა კუნძულზე ქანდაკება.
 - გ) ამ დღეს ჩაიტანეს ქანდაკება ამერიკაში.

- 3 ძველად ქანდაკებას შუქურის დანიშნულება ჰქონდა, რადგან:
 - ა) ის თავისუფლების კუნძულზე დგას.
 - ბ) ის რამდენიმე კილომეტრიდან ჩანს.
 - გ) მას ხელში ჩირაღდანი უჭირავს.

- 4 რატომ აინტერესებთ ტურისტებს ქანდაკების ნახვა?
 - ა) ის ცნობილია მოქანდაკემ შექმნა.
 - ბ) ის ძალიან დიდი და ლამაზია.
 - გ) მას საინტერესო ისტორია აქვს.

▶▶▶ ლექსიკა

1 გაარკვიე ხაზგასმული სიტყვების მნიშვნელობები.

- 1776 წლის 4 ივლისი არის აშშ-ის **დამოუკიდებლობის** დღე.
 - თავისუფლების.
 - გაერთიანების.
 - გამარჯვების.
- ქანდაკებას ხატავენ **სუვენირზე**.
 - ულამაზეს ნივთზე.
 - სამახსოვრო ნივთზე.
 - ძველ ნივთზე.
- დაშლილი ქანდაკება 214 ყუთში **მოათავსეს**.
 - დამალეს.
 - შეინახეს.
 - ჩააწყვეს.

2 დაასრულე განმარტება.

შუქურა არის კოშკი, რომელიც გემებისთვის დგას ზღვის ან ოკეანის სანაპიროზე და გამოსცემს -----.

- სასიგნალო შუქს.
- სასიგნალო ხმას.
- სხვადასხვა ბგერას.

▶▶▶ ბრამატიკა

1 რომელი სიტყვაა გამოტოვებული?

- ქანდაკება გაიხსნა 28 ----- .
 - ოქტომბერი.
 - ოქტომბერს.
 - ოქტომბრში.
- თავისუფლების ქანდაკებას ხატავენ საფოსტო ----- .
 - ბარათზე.
 - ბარათთან.
 - ბარათში.
- შუქურის დანიშნულება აქვს.
 - ის.
 - მან.
 - მას.

2 დაასრულე ხაზგასმული სიტყვა.

ქანდაკება **საფრანგეთ**... შექმნეს.

გრამატიკა

3 სწორად შეარჩიე გამოტოვებული სიტყვა.

ქანდაკება რამდენიმე ----- ჩანს. (კილომეტრიდან/კილომეტრისგან)

4 რომელია სწორი?

- | | |
|------------------------|--------------------|
| 1. ა) ხალხმა აჩუქა. | ბ) ხალხმა აჩუქეს. |
| 2. ბ) რამდენიმე წლები. | ბ) რამდენიმე წელი. |
| 3. ბ) სანახავათ. | ბ) სანახავად. |

წერა

1 წარმოიდგინე, რომ ხარ ჟურნალისტი და იღებ ინტერვიუს ორი ადამიანისაგან: მოქანდაკე ბარტოლდისა და ამერიკელი მოქალაქისაგან. დაწერე 3-4 შეკითხვა, რომლებსაც დაუსვამდი თითოეულს.

I. შეკითხვები მოქანდაკე ბარტოლდისთვის:

II. შეკითხვები ამერიკელი მოქალაქისთვის:
